



## *Buong Teksto*

### **ANG BINIBINING TUMALO SA HARI**

Ang kwento natin ngayon ay pinamagatang “Ang Binibining Tumalo sa Mahal na Hari” mula sa Ang Mga Kuwento ni Lola Basyang ni Severino Reyes na muling sinalaysay ni Christine S. Bellen at babasahin nina Jaya Jacobo, Missy Maramara, Jethro Tenorio, at Joseph Dela Cruz.

Noong unang panahon sa isang kaharian sa Tundo ay mayroong dalagang balita sa ganda at talino. Anak si Sharay ni Tasan na

isa sa mga utusan ng hari. Maraming binatang nanliligaw sa kanya at isa na rito ang anak ni Datu Abdul.

Alam ba ninyong bawal dati na magkapangasawahan ang dalawang taong hindi magka uri sa lipunan?

Ngunit hindi mapigilan ng datu ang pangigingibig ng kanyang anak kay Sharay.

“Hindi po lamang kagandahan niya ang nakabibighani sa akin kundi pati na ang kanyang mabuting ugali at katalinuhan,” sabi ng prinsipe sa datu.

Nabuo ang isang plano sa datu. Dadaanin niya sa pagsubok ang binibini. Inutusan niya si Lamukot.

“Hindi ito dapat malaman ng ninuman,” utos ng datu.

Nanginig sa takot si Lamukot. Para na rin kasi niyang anak si Sharay dahil anak ito ng kaibigan niyang si Tasan.

Masiglang sumalubong si Sharay kay Lamukot nang makita ito sa bungad ng kanilang bahay.

“Ipinag-uutos ng mahal na datu na lutuin mo raw ang pipit na ito ng labindalawang putahe. Kamatayan ang parusa kapag hindi mo nasunod ang utos,” parang kinurot ang puso ni Lamukot sa dalang balita.

Hindi naman napawi ang sigla ng binibini. Tinanggal niyo ang payneta sa buhok saka inabot kay Lamukot.

“Pakisabi sa mahal na datu na gawin muna niyang labindalawang pinggan at panandok ang aking payneta upang mapaglagyan at maipanguha ng labindalawang putahe ng pipit na lutuin ko,” sagot ni Sharay.

Muling pinabalik ng datu si Lamukot kinabukasan.

“Ipinag-uutos ng mahal na dati na ipagpalit mo ng ginto ang tupang ito ngunit ibalik sa kanya ng buhay pagkatapos,” parang nasasamid na sabi ni Lamukot.

Kinabukasan, inahitan ni Sharay ng balahibo ang tupa. Ipinagbili niya ang balahibo kapalit ng isang garapitang ginto. Pagkatapos ay nagtungo siya sa kaharian ng datu upang isauli ang tupa at ibigay ang ginto.

Humanga ang datu sa katalinuhan ng binibini. Ngunit hindi pa doon nagtapos ang kanyang pagsubok.

“May sakit ang datu at nangangailangan ng gatas ng lalaking kalabaw para siya ay gumaling. Ikaw, Sharay, ang napili niyang maghanap nito,” pinagpapawisan si Lamukot sa matinding utos ng datu.

Samantala, nagpasabi noon ang datu sa buong kaharian na walang sinumang maliligo at maglalaba sa ilog kinabukasan dahil maliligo siya.

Nang gabing iyon, kinatay ni Sharay ang alagang baboy sa banig ng kanyang ama. Maagang-maaga kinabukasan ay nagtungo na siya sa ilog upang labhan ang banig na puno ng dugo.

Galit na galit ang datu nang umagos sa kanyang pinagliliguan ang dugo. Ipinag-uutos niyang hulihin ang taong naglalaba. Nagulat siya nang si Sharay ang nadakip ng mga guwardiya.

“Ano ang dahilan at naglalaba ka ng banig? Hindi mo ba alam na ipinagbawal ko ang paglalaba at paliligo ngayon?” sabi ng datu.

“Paumanhin po, mahal na Datu Abdul. Ngunit hindi ko dapat ipagpaliban ang paglalaba ng banig na pinanganakan ng aking ama,” mahinahong sagot ni Sharay.

“Hindi maaring manganak ang lalaki!” nanlaki ang butas ng ilong ng datu sa katwiran ng binibini.

“Kung gayon po, hindi rin maaring magkaroon ng gatas ang lalaking kalabaw,” sagot ni Sharay.

Hindi nakaimik ang datu. Pumalakpak ng malakas si Lamukot pati na rin ang mga guwardiya.

Ibinigay ni Datu Abdul ang kanyang basbas upang maipakasal si Sharay sa prinsipe. Alam niyang magiging katuwang ng kanyang anak ang matalinong binibini sa maayos na pamamalakad ng kanilang bayan.

\*\*\*

*Pinagkubanan: Ang Mga Kuwento ni Lola Basyang ni Severino Reyes. Ang Binibining Tumalo sa Mahal na Hari. Muling isinalaysay ni Christine S. Bellen. 2005. Anvil Publishing.*

## Mga Kasalukuyang Kwento sa Serye

### *Sa Ingles*

The Monkey and the Turtle  
Sun and Moon  
Sagacious Marcela  
The Story of our Fingers  
Why the Cow's Skin is Loose on the Neck  
The Lost Necklace  
Why Cocks have Combs on their Head  
The Light of The Fly  
The Snail and The Deer  
Why Dogs Wag Their Tails

### *Sa Filipino*

Ang Pagong at ang Matsing  
Ang mga Paglalakbay ni Juan  
Ang Pinagmulan ng Daigdig (Si Malakas at si Maganda)  
Ang Unang Unggoy  
Ang Alamat ng Palay  
Ang Pinagmulan ng Lamok  
Kung Paano Yumaman si Jackyo  
Ang Anting-anting ni Manuelito  
Ang Gamugamo at Ang Liwanag  
Kung Bakit Gusto ng Bagobo ang Pusa

*Mga Kuwentong Pampasko:*

The Poor Man who Became King  
The Sultan with a Heart of Stone  
Buking si Santa  
Istatriray: Ang Bituing may Buntot  
Alamat ng Puto-Bumbong  
Felice, Noel, and the Christmas Day Disaster

*Ang Mga Kuwento ni Lola Basyang ni Severino Reyes  
(Anvil Publishing)*

Ang Pitong Tanga  
Rosamistica  
Ang Mahiwagang Biyulin  
Ang Binibining Tumalo sa Hari  
Labindalawang Masayang Prinsesa

*Adarna House:*

Bakit Matagal ang Sundo ko?  
Why is Mommy Late?  
Asul na Araw  
Blue Day  
Ano'ng Gupit Natin Ngayon?  
How would you like your haircut today?  
Sampung Magkakaibigan  
Ten Friends  
Ang Pambihirang Sombrero  
The Amazing Hat

*Tabanan Books*

*Ang Babaeng Nahulog Mula sa Langit at Iba Pang  
Kuwentong-bayan*

Pulo ng Digmaan: Alamat ng Pulo Apo  
*The Termite Queen and other Classic Philippine Earth  
Tales*

Volcano of Love and Death

*Abangan ang iba pang kwento sa seryeng podcast na ito.*

## **ACKNOWLEDGEMENTS**

### **Areté**

Ma. Mercedes Rodrigo Ricardo Abad	<i>Executive Producers</i>
D Cortezano	<i>Producer</i>
John Robert Yam	<i>Overall Sound Designer</i>
Harold André Santos	<i>Theme Music Composer</i>
Justine Ray Santos	<i>Episode Sound Designer</i>
John Robert Yam Nilo Beriamente	<i>Sound Engineers</i>

**Sandaang Salaysay:** Ang Mga Kuwento ni Lola Basyang: Ang Binibining Tumalo sa Hari

Ivy Baggao *Talent Coordinator and Production Associate*

Jethro Nibatén *Sound Design and Technical Team*

Adrienne Ungriano

Rey Sotto

Duane Ligot

Ralph Joseph Adarlo

Carlos Hombrebueno

Arielle Acosta *Logistical Support*

Vannessa Reventar

Ross Du *Illustrator*

Arielle Acosta *Brand Developers*

Lazir Caluya

Dreamlist Digital *Web developers*

Jaya Jacobo *Assistant Professor, Department of Filipino*

Missy Maramara *Assistant Professor, Department of Fine Arts*

Jethro Teneorio *Assistant Professor, Department of Filipino*

Joseph Dela Cruz *Junior Teacher, Subject Area Coordinator for Filipino, ASH  
(voice actors for the episode)*